

桂

洲

詩

集

夏言集通中著錄昔為嘉靖刻之桂洲集四卷後增  
桂洲奏議二十卷奏議外集二卷此詩集二十四卷至  
僅范氏天一閣目中著錄一本刊刻精妙每半葉八行  
十七字四周三邊與余舊藏蔡汝楠樞完集刊刻全同  
嘉靖刊本中之別格也卷末有杭州府通判四羅尚綱監  
刻二行可為杭州刊板之證此本舊藏滄亭齊齋諸氏有  
德氏所藏一印前更有妙目居士印不知誰何近收去表請  
刻本十條種此與張愈光詩文俱為絕精之冊今日重展  
更跋數言卷端

丙申新正第十日 吳為業記

裝成徑園一區詩亦甚佳於明人中不失作手當与  
有注相公齋觀多所收此影摹刻甚富於富人則有  
孫汝康因世世明人則有嚴小宜阮圓海凡此諸書  
皆燧三子身收者至石名觀然佳者多不可輕棄  
視庸俗之評文遠可珍貴矣 丙申三月十日

桂洲詩集敘

河南道監察御史南郡江陵曹忬撰

嘉靖乙巳秋

上詔行人賚

勅起元輔桂洲先生夏公于家道出武林  
小子忬昔濫翰館維時公首承

明德播錫教典乃今忬以職事役茲土獲

稱門下謁公舟中辭已公過念往義  
乃以平日詩賦若干卷授錢塘田子

汝成汝成公在南宮時故吏也文學

受知于公俾加校讐因以示忞得卒  
業焉會侍御楊子九澤以戊戌進士

屬公

廷閱同事浙中忞因與謀被諸梓且忘

僭陋序篇端曰詩之爲道一而風雅  
頌之義殊致三者同出于詩而雅頌  
之篇難工何也朝廷宗廟非夸詞麗  
語所可矜長功德盛美非纖章游韻  
得爲蔓衍自漢以來學士大夫之詩  
大抵沿風而所謂雅頌者或幾息矣  
陸士衡曰詩緣情而綺靡是特稍窺

風人一斑而已綺靡之云豈所施諸  
雅頌宜爾邪士衡生當偏造既不廣  
于所見而時傳篇章則曹劉嵇左諸  
子所爲率愁思怨鬱與雷連光景句  
耳是故得詞而蔽于一蒙今而遺諸  
古槩以綺靡談詩是惡足盡詩之道  
哉唐人應制大禮諸篇說者附之雅

頌乃其嚴整優厚不失尊大之體然  
代止數篇未稱滿愜李杜號大家宜  
其富矣而名位罔顯張說武元衡輩  
顯矣而典禮之作尤不多見雅頌之  
音寡傳此可推而知也宋詩別爲一  
種茲未易論

明興作者輩出自弘治正德來時稱極盛



木以集錄

皇上釐正乃有公云初公在諫垣上議  
郊典結知

明主繼晉學士侍

經幄遂得展竭平生之學陳謨闡道啓

沃本源

上益知公可當大授爰自宗伯

簡登秘閣論思代言無一不克協

聖心翕副羣望故常從容豫暇游藝文翰  
今集中詩無慮數萬餘言而大禮之  
什幾半蓋自日侍

黼座和答

宸章之外凡

時巡扈蹕應制書事紀賜感述典章館  
閣爲類非一一準之雅頌是故典則

以慈體正大以孚極鋪張以載實詮  
密以著事俊朗以昭式婉曲以輸盡  
上沂有漢及于唐宋宰相中以才名  
稱後世者未有若是其兼美者也雅  
頌而下茲其遺響也乎蓋公天才敏  
妙超悟玄旨雖在

上前萬言立就每進一篇

九重必再三鑒賞非夫精誠孚合而才足以發之安能有此忭聞之空同李氏嘗貽公書謂公詩超入化境便可比跨殷何南凌徐顧此其廿年之前名家者流已深歎服使空同而在讀今際遇

聖明諸篇又不知當作何語援雅頌而擊

節也。忤又聞之毛詩一經卽三代之  
史宜多指雅頌云云公遊覽贈答賦  
味諸作具風人之義者不少而

中興一時偉烈則前之篇什且備雖謂公  
詩爲

今上一朝之史可也。忤故特標雅頌著公  
極界所以冠絕唐宋詩人者如此公

奏議若干卷詩餘若干卷其富視前  
代名相皆所未嘗有已刻布海內傳  
誦又矣是集之刻固不可後集外復  
有賜間堂稿十卷公壬寅歸田特作  
今俱刻杭郡繼自今所得當以類附  
要之皆公緒餘而其不朽之大者則  
自有鍾鼎勲業在非小子忤所能窺

也謹序

桂洲詩集序

山東道監察御史關中華陰楊九澤撰

竊嘗聞之禮樂文章同原共貫必和  
敬積中而英華發外非可以僞爲彊  
飾也故彙括體式經緯有倫者文之  
禮也音韻飛沉疾徐協律者文之樂  
也禮樂之情深而文章之旨奧非朗



鑿玄解之士孰能窺其合一之機哉  
在昔元老夔龍伯夷實典禮樂而隔  
越千古文章靡得而稽焉其次周公  
相成王制禮作樂而雅頌豳風焜燿  
四始蔚爲宗工莫可匹已漢唐而下  
相業有聞者或不能救禮樂於崩壞  
寅清率職者或不能以文學名家藝

苑擅場者又未必晉陟平台斗故大  
臣以禮樂佐天子而又能以文學垂  
聲者庶乎漢之韋玄成唐之張說蘇  
頲宋之歐陽修焉然共侯嗜文工詩  
不墜家問而宗廟迭毀之議未協輿  
情燕許二公佐佑王化粉澤典章大  
手文衡聲壘略等然止於扈從東封

頌功勒石而已文忠公力挽五季之  
衰追踪韓愈摛詞醇則海內宗之然  
叅政未幾以濮議不合而去

明興牛公諒陶公凱實專禮樂之司而文  
章不少槩見豈非才有偏長道非一  
貫兼資具美亶乎難能恭惟

皇上綜覈三代損益彛章作聖述明千載

一邁乃有 少師桂洲夏公者應

期翊

運一德承

天職總夷蕪才兼董賈是以昌言讜論仰  
格

宸衷首議

親蠶遂定

帝藉

四郊

九廟

大禘

大禘  
雩壇

廟號之禮次第舉行而鍾律歌章舞佾行  
綴莫不斟酌稽釐既明既備彬彬乎

禮樂昌嘉之會疇能比隆至於退食  
之餘或

造膝之頃授筆引楮杼爲詩歌以紀述  
盛事崇

國體於西周律格雖唐義猶雅頌蓋以  
表功昭德垂示無疆非以剪雪鏤冰  
留連光景也故觀典禮諸什而公建

白之蘊贊襄之績見矣觀應制扈從  
感述館閣諸什而公忠蓋之忱明良  
之契見矣觀旅况遊覽邊塞吊古諸  
什而公皇華之役諮度之勤見矣觀  
東贈答和寄懷燕集送別慶賀悲悼  
諸什而公投分之雅貴而不驕虛已  
下士矣觀時令物色題詠閒適樂府

諸什而公遊藝之功無殊韋布矣蓋  
諸體咸備而志趣殊科玩其詞旨凝  
重而森嚴蓋深於禮者也和平而溫  
潤蓋深於樂者也所謂兼資具美亶  
乎難能者僅見於公公之奏議文章  
無慮數百卷近代名集鮮比其多聞  
人袁子達摘其古律二體若干篇請



公梓之公病其渾而無紀也以授錢  
唐田子汝成爲之分門條次使讀者  
因類而求之題曰桂洲詩集者從公  
別號也公遂屬序於九澤九澤不佞  
非敢曰能知公者也第於禮樂文章  
同原共貫之旨則嘗聞之故爲述其  
大端若此若夫公之抱蘊瞻博故詞

富而葩華稟靈倣儻故響逸而調遠  
揆思儁俠故采烈而興高鎔裁敏捷  
故韻流而穎發藏噐恢竝故論崇而  
氣暢則大觀默識者一展卷而可占  
不俟予之點綴也

嘉靖丙午年夏四月

桂洲集奏議行世最早詩餘傳列最廣嘉靖一朝三十年間凡六行刻  
 嗣此詳集別以此一列蓋再行三之也其行世最林以前本付託吏田汝  
 或里主故以行者也亦尚有賜開堂稿十卷六同時所刻今亦見又桂  
 洲詞二卷同新曲一卷同時亦有刻本于見不其開板何地蓋其  
 世之謂言滿時也乃更二年而為小宜所隔世元陸炳伊等皆出宜西  
 禁澤一詞韓偓詩南口女客請同時名公皆有詩其詩格門生故吏爭  
 相傳利於韓唐初勢使然其風樂文未有以發之者輿論夫再東約  
 行獨住邊事更發于上說問于下至於白首而對獄吏解衣而赴東  
 市進無愧道之報退無難水之思君臣之際聊為聯矣帝教其臣  
 天章其胤治權下女介豁而刑禱為深文采過於鈞山而著述獨  
 悔身後之事又可悲矣亦沒不二十年尚都坊肆乃復梓其遺集  
 維時永陵急勤學每十日回維集又其言無吹毫之憾其  
 文章事業亦自有公論有不可泯滅者然觀其時政慨乎言之其  
 於桂洲生平事業文采氣底致評論允洽所稱南都坊肆一梓乃其  
 靖而高仲夏金陵鐵嶺向水會氏而祥之桂公稱詞也至詩文遺集身  
 後終身感著錄之家注有鈞山空集而無桂洲遺稿是  
 亦不幸也已重廣此集留德靜安跋文遂更跋二焉

戊戌二月廿五日午後書 黃亦衣

桂洲詩集卷之第一

特進光祿大夫桂國師兼太子太師吏部尚書華蓋殿大學士袁溪夏言撰

賦 一十五首

應制一十三首

恭和 御製西苑視穀祇先蠶壇位賦

白鹿賦 有序

奉 制記樂賦 有序

恭和 御製五月九日視工遇雨賦

侍 上奉 聖母觀王泉山賦

恭和 御製謁 陵禮成奉 聖母

舟還京記事述懷賦

恭和 御製初夏西遊奉 聖母舟

行賦

有序

天賜時王賦

有序

恭和 御製 皇考睿宗獻皇帝祔

祭 太廟福瑞賦

有序

大駕南巡賦

恭和 御製思 恩小賦

瑞雲承月賦

有序

謝 賜金鑲合香真號蓮瓣髮圍賦  
慶賀二首

壽萱僊桂圖賦

壽東野翁賦

應制一十三首

恭和 御製西苑視穀祇先蠶墾位賦

惟 皇勤一身兮爲萬國先志存復古兮追  
三代前念農耕與蠶織兮寔衣食之本原彼  
男情於外而女惰於內兮謂非長民者是誰  
之愆惟吾 皇克振舉兮闕典以全卽西苑  
而播嘉穀兮采桑桑之芊芊培王業之根本  
兮億萬斯年覽無逸而知小人之依兮惟憂  
勤惕勵恒朝夕之顛顛此 聖心所以克享

乎皇天

白鹿賦

有序

皇上龍飛之一紀承天建極駿德鴻烈震  
曜宇宙巍乎炳然與二帝三王同盛於是  
休氣充塞禎祥並臻諸福之物應德而見  
乃獻歲嘉月有白鹿至自靈寶太子太保  
禮部尚書臣言拜首稽首曰夫白鹿者百  
祿也豈非我皇受祿于天之慶哉謹獻



賦曰

繫金方之靈獸產中嶽之神區按祥經以驗  
物表 聖代之休符孕瑤光以成象輸北海  
而應圖乍騰倚於山椒忽振迅於天衢彼積  
壽於千齡毳將蒼而變白角未茁而已然寔  
氣化之所殖挺玉質以霜瑩曜晶熒之正色  
超嶮絕而星奔野啣啣而革食度朝闕於函  
谷弭夕駕於瑤池謝僊寰之岑寂望 帝闕

而來儀蹠百獸而率舞行嘉賓而賦詩感  
明王之在御豈虞羅之可羈昔飛黃服皂於  
軒圖鳳鳥雖鳴於舜治商運啓而白狼遊漢  
道亨而天馬至遇塗山之素鳥貢越裳之皓  
雉紛榮燭於往牒並垂光於來祀矧 皇極  
之不建協鴻化於神明屢登三而咸五與泰  
初而齊名宜禎祥之總萃顯不世之休徵保  
靈祚之孔殷來百祿而是膺遂作頌曰圓宰

瞻命兮景福臻神物乃至兮孚 皇仁登獻  
祖廟兮芳苾陳鴻禎協應兮當上春周南  
麟趾兮歌振振於 皇萬年兮主百神未符  
寶祚兮光日新

奉 制記樂賦

有序

嘉靖龍飛十有三禩歲在甲午仲夏癸巳  
晝漏下四十五刻時加于未 天子駕幸  
南宮御重華之殿乃遣中官發 宸翰愛

雨後之新涼召五臣而來見時則太傅侯  
勛策騎疾馳師保輔臣乎敬暨時冢宰宗  
伯鉉與臣言俱攝齊並趨鵠峙階墀少焉  
承命而入榻前屏息仰覲天容望雲  
就日降顏霽威德音洋溢天子曰祀器  
新成陳諸殿中爾往敬觀庶協予衷爰賜  
彩筵金鉸象飾與卿同涼用滌炎熱旣乃  
錫燕宮中霑醉而出是日 上以聖躬太

康奉 親承歡又 君臣同遊對時育物

爲樂甚大明日 上有制曰事須有記然

必託諸唵句卿等宜各作一賦命之曰奉

制記樂用紀厥事臣少保言列在春官

兼領學士謹頓首獻賦恭以應 制賦曰

惟 皇天之嘉惠兮協脩景之與良辰廼仲

夏之炎赫兮沛甘雨以清塵眺西山之羣岫

兮挹爽氣於朱闥瞻南宮之芳樹兮連清陰

於紫宸感 皇衷之悅豫兮懷駿賞以怡  
神法先王之茂對兮屬眷想乎臣鄰觀品彙  
之盛長兮喜六合而同春暢 宸襟於久靜  
兮洵萬福而來臻於是稱警蹕以夙駕兮將  
戾止於重華殿名朝問寢於東朝兮奉 聖母  
而同過出層城以南驚兮策天閑之王駟百  
神扈以景從兮驅祝融而導羲和紛神僊之  
行綴兮儼雲擁而星羅聽黃鳥之間關兮思

伐木以作歌念 君臣之疎隔兮會日月而

幾何召五臣以同遊兮嗣盛美於卷阿已而

陟翔鳳名殿之巍巍兮攬九衢之歷歷睇 欽

天名閣之穹窿兮並追先名閣之截葉荷玄宰之

錫祐兮賴洪庥於 祖烈翳翠華以西指兮

望乾運名殿之聳特躡王梁之夭矯兮渺飛虹

於千尺度翠巖之窈窕兮恍御風名亭於八極

坐嘉樂名館之珍館兮納南薰於環碧名殿乃若

偃鳴鶴於喬松兮舞文鸞於修竹采芳蘭於  
中沚兮擷芰荷於水曲苑花帶露以含馨兮  
宮草滋煙而長綠趾錦鱗於芳沼兮激飛泉  
而斷續驟冲情以逸發兮神融融而興足會  
衆美之可愛兮咸適耳而悅目善動植之得  
時兮藹生意其可掬矧上下交而成泰兮叙  
天倫而介馘穀宜 聖心之樂只兮合乾坤  
之化育頌曰 天鑒 皇德福此萬國 聖



躬康兮 天眷慈極純嘏是錫 聖孝彰兮

於 皇格天化日豐年恩風翔兮南宮赫敞  
薰風薦爽雨霽涼兮龍旂至止鳳輿從止稱  
壽觴兮有文有武舜臣惟五奉清光兮茂對  
時育羣品萬物則先王兮凝和萃精 皇心

載寧樂洋洋兮泮渙優游百祿是道祐無疆  
兮祐無疆兮 帝道昌兮億萬斯年休有光兮

恭和

御製五月九日視工遇雨賦

緊 皇史成之有作兮寔奠位乎重華之陽  
奉 九廟寶訓之與實錄兮茲焉是藏走羣  
僚鳩百工兮罔不殫心乎執役若乃弘規畫  
精條貫兮式兼總乎我 皇仰 祖宗功德  
之赫赫兮矧 烈聖繼美挺先後以相望猗  
我明德之獨盛兮越三代而冠乎百王鴻休  
偉績照耀簡冊兮史臣媿無力以鋪張肆  
大聖之中興兮崇五典聿重三綱構石室之

穹窿以岌業兮垂地久而天長勤 御輦時  
駐蹕兮方環視乎百堵之墻忽雷雨作解兮  
散炎歊於萬方俄雲斂而夕霽兮星斗斂其  
耀芒天風南來兮殿閣生涼 聖情愉悅兮  
北人樂康詩曰 皇史秘寶萬世攸珍天球  
河圖曷足並陳惟德惟功允聖允神丕昭大  
業光于天人

侍 上奉 聖母觀王泉山賦

歲丙申之季春兮 上有事於 園陵嚴萬  
乘以夙駕兮奉 聖母而同行徧 七聖以  
展謁兮越四宿而禮成指歸途以回 鑿兮  
度沙河而西征攬金山之陵陀兮有玉泉之  
清冷惟斯泉之可翫兮潛石罅而潛湧匯一  
泓之湛潔兮儼玉淵而金井鑿眉髮其不爽  
兮紛鏡光之炯炯旣寥矣以圖濟兮復澗洞  
而深冷俯引卮而可酌兮羗不勞乎素纒惟

皇情之志養兮奉

慈幄而來觀盛東朝

之法駕兮羅羽騎其桓桓  
簫鼓鳴而谷震兮  
步幃宛而龍蟠陟方亭於山椒兮  
掃素石而臨瀾動  
天頌之有喜兮映鶴髮而增歡仰  
聖人之  
大業兮敘天倫之樂事覩洪源之  
濬發兮體上善而流惠何小臣之多幸兮侍  
宸旒而扈  
離感  
君恩之罔極兮豈魚水  
之足喻祝  
慈壽之無疆兮頌如川之方至

恭和 御製謁 陵禮成奉 聖母

舟還京記事述懷賦

維膺命以肇造鴻業今天寶純佑我 太祖  
維定都以永保丕基今天寶篤生我 文皇  
據鍾陵金臺之南北峙今儼鬱鬱乎龍鳳之  
岡傳一世以至千萬世今信大命之有常與  
禮樂必待百年兮非 至聖其曷當肆我  
皇之撫運而紹統兮動必取法乎三代之明

王乃一心對越乎 上帝兮可以質鬼神之在  
旁念 七聖功德之巍巍兮自 文祖以迄  
于 武皇抵 陵謁以北詣天壽兮修曠典  
以振四方之綱既齋心以積敬兮復考禮以  
致其諄戒萬乘而翊 慈輿以俱發兮爰詠  
日得季春之良六師總總以扈蹕兮懽聲震  
乎萬方豈俎豆之具歆兮感至治之馨香伊  
皇天 皇祖之眷德兮龍舟送喜兆文孫之

祥張廣樂于西湖之上兮覽玉泉于金山之  
陽川后奉棹以先驅兮玄武振旆而啓行拱  
慈顏之儼若兮俯臨汎容與而悅康三辰  
正而百穀熟兮五兵弗試而歛芒覩太平之  
有象兮頌我 后之明明惟百辟承式之不  
暇兮顧臣力何有于贊匡仰稽首而颺言兮  
願 一人建極以聿開萬世有道之長誥曰  
於穆 聖主裕後光前 聖文神武休德克



全 上帝鑒茲百神享焉三代哲王道統是  
傳惟敬惟一惟日顓顓永言保之億萬斯年

恭和 御製初夏西遊奉 聖母舟

行賦 有序

臣言謹題曰昨伏蒙 賜示 御製初夏

西遊奉 聖母舟行賦臣恭誦之餘仰見

皇上法 祖之念怡 親之懷示慈惠

於臣工寓儆戒於歌詠無一字不與典謨

訓誥同符真足以垂諸萬世矣臣仰依

宸韻恭和成賦一章謹併進呈深媿膚率  
惟是自慶遭逢之盛誠不可無紀耳上塵  
睿覽臣不勝冒昧感激之至賦曰

歲丁酉時既夏今日初長扈舟行以西幸今  
指金山之陽奉 慈宮之康悅兮 天顏喜  
而泮泮觀 龍橈錦纜以齊發兮簫鼓答而  
嗶嗶雨師先驅以清道兮風伯屏息而纖塵

弗揚始殷殷其雷兮雲垂垂而欲下俄微雨  
其倏霽兮朝陽起而濯耀東方覽湖山之佳  
麗兮天開罨畫侍龍袞之咫尺兮密邇清光  
恭承 聖主兮明哉在上忝備股肱兮竊愧  
惟良動法天運兮同不息率 祖攸行兮罔  
弗藏惟 壽母 聖子心愉愉兮叙天倫之  
真樂風雲魚水方 君臣以同遊兮乃儆戒  
之未忘誦鳧鷖歌既醉兮祝天保之孔固冀

永終慕兮臣兢兢夙夜其曷敢不匡諄曰紹  
祖隆親聖德至今君臣同心萬化  
一兮奉天致治思保民兮保民惟衣食之  
是急兮

天賜時玉賦

有序

嘉靖十四年歲乙未正月二日夜雪詰朝  
全霽上喜札諭輔臣暨禮官曰今日正  
欲與卿等一見但蒙天賜時玉耳臣言伏

讀 聖文以時王名雪竇古今所未經道  
臣謹恭掇 天語作 天賜時王賦一首  
獻伏惟 聖明垂覽焉賦曰

端月啓淑氣回陽春布瑞雪飛 天子一念  
周于九圍乃命楮毫 詔臣僕感 天恩賜  
時玉千里一色四郊霑足俄而曉日升慶雲  
見 天子擁大裘於椒宮披袞衣於蘭殿於  
是南宮小臣仰承 宸翰謹端拜而進辭曰

臣聞先正有言使天而雨珠寒者不可以爲  
襦使天而雨玉饑者不可以爲粟伊上天  
之降雪實滋繁於五穀矧一氣之潛萌已三  
白而相屬錫兆庶以豐年耀太平之玉燭爾  
其飄飄灑灑藹藹浮浮花明鵲觀光映龍  
樓乍蕭騷以入聽倏皎潔而盈眸挺瓊林於  
閨圃積瑤水於崑丘陋北風之歌衛吐南山  
而詠周於是樂彼閭閻惠此畎畝明昭上

帝錫我大有諧萬國之懽心慰三農之翹首  
諒無慚於比德宜見稱於我后歌曰稷翼之  
山其王惟白兮弗如時雪之沛我民澤兮秦  
冒之山其王惟藻兮弗如時雪之慰我民悄  
兮密山之上惟王流膏兮弗如時雪之息我  
民勞兮故臯之山惟王多蒼兮弗如時雪之  
療我民殃兮天生萬物莫貴於王兮弗如時  
雪之介我穀兮民食足兮民食足兮何以至

兮是曰受 天之賜俾 天子萬福兮

恭和 御製 皇考睿宗獻皇帝祔

祭 太廟福瑞賦

有序

嘉靖十七年戊戌九月十九日巳卯 上

郊見于 天以更上 成祖尊上睿宗廟

諡告越二日辛巳上二聖冊寶即日奉

皇考睿宗皇帝神主祔祭 太廟行謁

祖禮先是 皇上詣 太寢捧請 太祖



高皇主升殿就座乃自丹陛迎請 睿宗

獻皇帝主降輿恭捧入 廟 上代拜拜

已奉 主升座太常奏禮樂舞乃作 皇

上躬奠獻于 高皇帝 高皇后文武大

臣分獻 列聖相祀有嚴於時鐘鼓鏗錡

鑪烟馥郁燈燭輝映辭祝宣朗 上對越

穆穆興俯雍雍 九聖神靈泮泮在上歡

欣居歆蓋我 皇上孝思純一誠千古僅



卷之七  
之瑞臣言恭和宸韻撰成一章謹頓首  
頓首端拜以獻賦曰

我明受命兮大聖疊興萬宇一兮庶  
績其凝惟高皇開天兮文祖爲之繼承  
再造鴻業兮大猷允升肆列聖撫盈成兮  
拱熙洽而是膺於戲皇考躬聖德兮昌運  
丕增心文王之翼翼兮體帝堯之兢兢篤生

我皇之大孝而宗廟饗兮神靈儼瑋  
降以依凭薦大號於皇考而祔享于  
廟兮躬代拜偃僂其弗勝方受胙而祥見於  
袞旒之上兮珠彩發而龍騰紛交糾盤綴以  
引長兮示有象之嘉徵允矣天錫純嘏兮  
羗日升而月恒宜孫子以似以續兮紛繼繼  
而繩繩詩曰高帝文祖巍巍皇皇堯仁  
舜智功烈禹湯睿考至德爲周文王乃生

聖人孝隆 祖考光于 三聖克對 穹昊  
昊天予之 第祿是保

大駕南巡賦

伊我 明之九葉兮 惟 皇聖神乃嘉靖之  
已亥兮 大駕南巡冊 儲官兮定本開  
明堂兮享親肆卿雲一再見兮 皇天顧歆  
乃悲 慈極兮猶居 大內乃念 寢園兮  
遠在楚濱展孝思于 先帝兮欲親覲乎 陵

恩乃卜之 羣廟兮謀之衆心請於 高旻  
今類於 祗靈爰擇利動兮越翼佳辰出疆  
祖道兮時惟仲春召雨師而灑道呼風伯以  
清塵乃戒嚴 萬乘控御六軍師保任輔扈  
兮將帥用命內都擁追及兮諸郊望幸損  
嬪御而減膳兮惟 後宮之數人念修塗之  
供億兮每夙戒而宵征於是撫翠鳳之輿兮  
揚 黃龍之旌鼓雷動兮鞭泉鳴車波流兮

騎星奔攫天狼之弧兮挺太阿之柄走光景  
之輪兮聽銅駝之令於是三時順豫萬國來  
襄乃出幽燕之墟兮驅八神而司警蹕飲沱  
恒之沫兮突萬駿而絕飛梁於時戒大司馬  
少司馬則肅甲騎教步師而慎張皇於時戒  
大司徒少司徒則布委積嚴芻餉而備輸藏  
於時戒大宗伯少宗伯則率胥史講巡狩而  
道趨蹌於時戒大司空少司空則飭行道列

廬次而衛宮墻文章侍從則有起居常侍集  
螭首而爭能獻技金吾宿翼則有羽林曠騎  
奮虎賁而鷲突超驤前後曳虹霓兮拱辰象  
而璀璨東西布日月兮瞻太常而飛揚喧牝  
牡之動兮儼 翠華之縹緲寂轅蹄之佇兮  
聽畫角於中央於是度恒麓駕長河於惟朝  
諸侯也則特庸展親有 唐叔汝叔楚叔趙  
弟鄭弟徽有國兄周有世孫 覃錫賚於諸



王於惟遍羣神也則恒嶽嵩嶽濟瀆河瀆古  
帝明王忠臣善士舉望徧於周行於惟明黜  
陟也則大會羣吏操賞罰之柄乃別蠹而雷  
良於惟省觀方也則問民疾苦親諭耆  
艾蠲除賑貸爰閔恤而徬徨作大祝而修辭  
今知鬼神之情狀涉巨川而賦詩今會君  
臣之同慶羗制草視於宵中今對臣工而命  
意華錫駢於晝接今顧師保而霽顏一

人任其勞兮報 親恩之浩大千里行如瞬息

兮喜 聖躬之保安乃渡漢水歷襄山望龍

氣瞻 帝鄉駐豐樂之津兮睇陽臺之眇過

漢王之沛里兮入岐周之豐鎬黃旄弭節於

天衢兮紫蓋延光於靈沼萬騎盤旋於雉堞

兮千官舞蹈於雲表於是賁 潛邸御 龍

飛陟重明正宸居謝昊天之基命兮申 皇

考之嚴配奏 親恩之象成兮報 神功之

攸始宣鈞天之曲兮雲門之與咸池禋灌地  
之誠兮鬱鬯之與宗彝獻圭璜於修潔兮致  
柴望於明離山靈川伯 國社國門以洽百  
禮遍於羣神乃率 後宮走群辟度層岡躡  
華壁入萬寶之佳城兮扣 一龍之幽宅樓  
觀出於長松兮屹重垣之金碧 王氣應於  
中台兮繞龍光於四翼衡廬峙爲雙眉兮內  
方爲之腹春江沱溢爲咽喉兮漢潛爲之唇

吻恍 皇考之洋洋兮見群臣而喜懌敞

靈宮之翼翼兮知 聖子之在側慰終身之

勤慕兮念宸憂之已釋覩陟岵之淵衷兮感

孝思之允迪 文謨光於江漢兮 武烈顯

於中域 廟制定於宗簾兮 玄宮按於南

極於是推恩湯沐歌詠膏澤下寬詔於諸州

兮復田租於近邑故老爲之歡呼兮山川爲

之赫奕於是昭 帝命也則 應天 順天

承天居重以麗乎陽明於是闡地靈也則  
鍾山 天壽 純德安貞以萃夫幽脉信  
郢歌之寡和兮陽春布於四方接淮泗之  
皇靈兮榮光發於萬物感 稜恩而嘏祝兮  
樂聲被乎金石拜 重明而作頌兮昌期應  
乎寶曆藹雲孫兮厥乃德垂 神謨兮葉萬  
億稽首茲行兮勞 聖蹕嗟吁小臣兮歌  
帝力貽燕孫子兮保無斁

恭和 御製思 恩小賦

休哉覩 聖人之作兮千載昌辰躬 大孝  
以夙夜兮有懷 二親思罔極兮淵衷何一  
念感發兮匪繇天真維客歲之季冬兮 慈  
闈遐逝抱焚瘞之哀戚兮恫乃身始卜兆于  
大峪兮秀鍾太行再命 駕于楚沂江漢  
兮攬衡嶽而登 純岡因以布 惠德兮喜  
四海而用光遍覽遐邇兮以圖永藏敬瞻

玄宮兮仰 聖靈之皇皇惟廿載之妥以安  
兮與天長地久何能忘感霜雨之降濡兮時  
序推遷秋以復春軼重華之永慕兮亘千古  
如閻一旬念生鞠兮 至德難泯詩曰 至  
德難泯人孰無親噫咳欠伸氣通一身爲親  
愛身儂焉若顰一笑一頰以身教人以身教  
人孝理何垠大哉 聖君媿予小臣服 聖  
訓之諄猗與天下興仁

瑞雲承月賦

有序

欽惟我 皇上既事 天於南郊乃奉

上帝神御位 皇祖配位於 泰神殿尋

以未稱尊崇乃恭建皇穹宇聿嚴清闕

皇上尊 天之誠意獨至矣即嘉靖己亥

八月二十日子刻 上躬詣 南郊奏告

是夕秋空澄霽瑩無纖雲月朗霜清河明

斗揭臣言時陪拜堦阼恭覩 皇上對越



孔巖啓奏虔肅至誠冲穆儼若 天人之

會禮成 駕還時漏下四十刻 上恭拜

大道堂畢餘誠猶肅肅恭默思道以俟

天休時則仰見月生圓暈五采旋繞祥

光焯發淡素雲承之正應西方淑氣移時

乃散明日 上降手札示臣言臣言拜奏

稱慶曰 皇上事 天之誠感應如響

上帝歆和 皇祖昭格頃刻之際遂顯光

華以示嘉報太陰映日福溢宮壺西白呈  
祥光聯東陛寔 皇上萬壽康寧 皇太  
子千秋永慶祚胤無疆泰道文明之象也  
臣敢不稽首颺言以頌 帝德賦曰

惟神堯放勳兮實敬天而首治惟 皇上紹  
堯兮乃精誠之獨至而稽 天若兮 祖考  
悅豫欽崇南郊兮復古掃地祈雪而雪祈雨  
而雨景星夕暉慶雲朝麗乃改崇 泰神兮

薦名 皇宇見尊無二上兮禮嚴清闕庶

祖神配享兮光靈永契爰嘉靖己亥兮八月

望既 大駕宵征兮虔告 上帝霜清閣道

兮 袞衣降輿星朗周廬兮玄圭扣陛時維

穆穆兮駿奔皇皇矩度恭嚴兮誠意靡違百

辟歡呼兮九霄回光淑氣氤氳兮須臾禮成

親基定命兮欽肅回輪拜瞻 大道兮畏敬

猶存恭默思 帝兮 天心眷歆鳳寢之南

兮龍樓之角皎月在天兮圓暈如束盤旋五  
采兮英華炯發承以嘉雲兮金方應素環以  
珠星兮諸垣隱輔金桂婆娑兮繡如綺霞銀  
蜃陸離兮文如翠圃茲惟上天兮倏忽降  
神報我皇上兮一念精禋冲穆會道兮瑞  
發高旻和敬上迎兮至祥倏臻丕顯聖躬  
兮萬世尊親光昭治象兮葆含帝馨祥聯東  
陸兮福益神孫太平天子兮四海永貞

九廟懽敬兮百神效靈千秋百世兮日月  
凝精顯休和 命兮永荷 天禎輔臣陳辭  
兮歌頌明徵

謝 賜金鑲合香真號蓮瓣髮圍賦  
嵌黃金而作飾屑百和以凝香象僊葩而吐  
瓣覩寶畫而成行貫赤纓以中通熏烏紗而  
內馥保元命以合真迓長生而受福荷 聖  
皇之嘉惠加元首以承恩會萬神於玄谷騰

三炁於崑崙嗟老臣之華顛髮盡脫而種種  
欲岸幘以臨風恍戴天而凝重

慶賀二首

壽萱僊桂圖

爲黎侍御乾德作

萱得道兮夏榮秋涉僊兮桂馨木采采兮花  
冥冥山翠律兮潛泉鳴鹿呦呦兮昂首鸞飛  
來兮降王母飄雲裾兮風裳蟠桃折兮在手  
萱花黃兮桂子丹香馥馥兮陰團團秋不落

兮冬無殘千秋百歲兮永以爲歡

壽東野翁賦

爲南宮白良甫行人作

靈芝兮翠英瑤草兮朱莖三星兮在戶五老  
兮降庭桂香飄兮風細玉壺皎兮月明酌瓊  
漿兮玉醴鳴鳳管兮鸞笙日曛曛兮東野斗  
暉暉兮南極宏壽域兮天開邈僊人兮雲集  
祥烟散兮氤氳和氣靄兮拍塞惟若翁兮高  
年寔三輔之耆德託丘園兮嘉遯追樵漁兮

混迹體上九兮尚志慕伐檀兮食力超塵濁  
兮遐舉游無何兮自適付功名於季子兮馳  
妙譽於邦國參漢邦之清班兮秉周原之華  
節悵遊子兮思高堂邁嘉辰兮在今夕繫王  
事兮靡盬感萊衣兮伊戚盼白雲兮馳情願  
黃鵠兮假翼乃徵辭於大老兮選詩歌於同  
職宣盛美於文墨兮流聲華於無斁羗八十  
之初度兮洵人生之難得有桂洲夏子聞翁



之賢寔爲同年用是作歌被之管絃歌曰秋  
風吹野兮白露爲霜百草萎兮時菊獨芳伊  
微君之貞節兮疇可與之比伉冠切雲之裁  
裁兮佩琳琅以舒長集芰荷以爲衣兮製蕙  
蕖以爲裳飲若木之墜露兮餐石菌之流英  
朝晞髮於太陽兮夕趺坐於玄房守道真之  
淳粹兮厭囂俗之動勦儼紫霄之僊夫兮卧  
白雲以爲鄉覽鳳雛於閭闔兮翮五采之文